

bene ✠ dicas: sitque ad nostræ humilitatis intró-
itum, Sanctórum tuórum méritis, fuga dáemonum,
Angeli pacis ingrèssus. Per Christum Dóminum
nostrum. **R.** Amen.

Deus, qui ex ómnium cohabitatióne Sanctórum
ætérnum majestáti tuæ condis habitáculum: da
ædificatióni tuæ increméta cœlestia; ut quod te
jubénte fundátur, te largiénte perficiátur. Per
Christum Dóminum nostrum. **R.** Amen.

CAPUT 27.

RITUS BENEDICENDI NOVAM ECCLESIAM SEU ORATORIUM PUBLICUM

UT IBI SANCTISSIMUM MISSÆ SACRIFICIUM CELEBRARI
POSSIT.

Sacerdos novam Ecclesiam de licentia Episcopi benedicturus, ut in ea divinum sacrificium Missæ rite celebretur, stola ac pluviali albi coloris indutus, aliquot Sacerdotibus et Clericis adhibitis, prælata cruce media inter duos Clericos deferentes cereos accensos, mane procedit ad primariam Ecclesiæ, vel Oratorii januam: ubi stans capite aperto, conversus ad eam dicit absolute Orationem:

Actiões nostras, quæsumus Dómine, adspirádo
præveni, et adjuvándo proséquere: ut cuncta
nostra orátio et operátio a te semper incípiat, et
per te cœpta finiátur. Per Christum Dóminum
nostrum. **R.** Amen.

2. Deinde inchoat Antiphonam: Adspérges me, etc. et Clerus alternatim dicit Psalmum Miserére, etc. (pag. 94: in fine Gló-
ria Patri.

3. Interim circumdant exterius Ecclesiam (quæ intus debet esse vacua et nuda, et pariter Altaria nuda, excluso populo, donec absoluta sit benedictio), et Sacerdos accepto adspérgillo ex herba hyssopi, ad ejus dexteram se convertens, parietes Ecclesiæ in superiori parte, et in fundamentis cum aqua benedicta adspérgit, dicens:

Adspérges me, Dómine, hyssópo, et mundá-
bor: lavábis me, et super nivem dealbábor.

4. Reversi ad locum, unde Processio initium habuit, repetita Antiphona a Clero, Sacerdos stans ut prius versus Ecclesiam, dicit: **Orémus.**

Ministri: **Flectámus gēna. R.** Leváte.

Oratio.

Dómine Deus, qui licet cœlo et terra non capiáris, domum tamen dignáris habére in terris, ubi nomen tuum júgiter invocétur: locum hunc, quæsumus, beátæ Mariæ semper Vírginis, et beáti N., omniúmque Sanctórum intercedéntibus méritis, seréno pietátis tuæ intúitu vísitá, et per infusióne gratiæ tuæ ab omni inquinaméto purífica, purificátúmque consérva; et qui dilécti tui David devotióne in filii sui Salomónis ópere complevísti, in hoc ópere desidéria nostra perfícere dignéris, effugiántque omnes hinc nequítiae spirituáles. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti etc. **R.** Amen.

5. Qua finita Oratione, omnes bini in Ecclesiam intrantes, ad Altare majus procedunt, Litanias decantantes (pag. 97).

6. Ubi dictum fuerit: **Ut ómnibus fidélibus defúnctis réquiem ætérnam donáre dignéris: Te rogámus, audi nos.** surgit Sacerdos, et intelligibili voce dicit:

Ut hanc Ecclésiám, et Altáre ad honórem tuum, et nomen sancti tui N., purgáre, et benedícere dignéris: Te rogámus, audi nos.

Cum dicit, benedícere, manu dextera benedicit Ecclesiam, et Altare: deinde, ut prius, genuflectit donec perficiantur Litaniae, et cantores prosequuntur:

Ut nos exaudíre dignéris, Te rogámus, audi nos.

Fili Dei, Te rogámus, audi nos.
Agnus Dei, qui tollis, etc.

7. Dicto ultimo *Kýrie eléison*, Sacerdos stans, dicit:

Orémus.

Ministri: **Flectámus gēna. R. Leváte.**

Præveniát nos, quæsumus Dómine, misericórdia tua: et intercedéntibus ómnibus Sanctis tuis, voces nostras cleméntia tuæ propitiatiónis antí- cipet. Per Christum Dóminum nostrum.

R. Amen.

8. Tum distans ab Altari congruenti spatio genuflexus, et se signans, dicit: **Deus**, in adiutórium meum inténde; et statim surgit, Clero respondente: **Dómine**, ad adjuvándum me festína; ipse vero stans dicit: **Glória Patri**, et **Fílio**, et **Spirítui sancto**. Chorus respondet: **Sicut erat in princípio**, et nunc, et semper, et in sæcula sæculórum. **Amen.**

9. Postea Sacerdos dicit: **Orémus.**

Ministri: **Flectámus gēna.**

R. Leváte.

Oratio.

Omnípotens et miséricors Deus, qui Sacerdótibus tuis tantam præ céteris grátiam contulísti; ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam, ut quidquid modo visitatúri sumus, vísites; et quidquid benedictúri sumus, bene-
✠ dícas; sitque ad nostræ humilitátis intróitum, Sanctórum tuórum méritis, fuga dáemonum, Angeli pacis ingrēssus. Per Dóminum nostrum Jesum Christum Fílium tuum: Qui tecum vivit et regnat in unitáte Spíritus sancti, etc. **R. Amen.**

10. His dictis, inchoat Antiphonam. **Bénedic**, Dómine, domum istam nómini tuo ædificátam, cum tribus Psalmis sequentibus, videlicet:

Psalmus 119.

Ad Dóminum cum tribulárer clamávi: * et ex-
audívit me.

Dómine libera ánimam meam a lábiis iniquis, * et a lingua dolósa.

Quid detur tibi, aut quid apponátur tibi * ad linguam dolósam?

Sagittæ poténtis acútæ, * cum carbónibus desolatóriis.

Hei mihi, quia incolátus meus prolongátus est: habitávi cum habitántibus Cedar: * multum incola fuit ánima mea.

Cum his, qui odérunt pacem, eram pacíficus: * cum loquébar illis, impugnábant me gratis.

Glória Patri.

Psalmus 120.

Levávi óculos meos in montes, * unde véniet auxiliúm mihi.

Auxiliúm meum a Dómino, * qui fecit cœlum et terram.

Non det in commotióem pedem tuum: * neque dormítet qui custódit te.

Eccè non dormitábit, neque dormiet, * qui custódit Israël.

Dóminus custódit te, Dóminus

protéctio tua, * super manum dexteram tuam.

Per diem sol non uret te, * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum; * ex hoc nunc, et usque in sæculum.

Glória Patri.

Psalmus 121.

Lætátus sum in his, quæ dicta sunt mihi: * In domum Dómini íbimus.

Stantes erant pedes nostri, * in átriis tuis Jerúsalem.

Jerúsalem, quæ ædificátur ut civitas: * cujus participatió ejus in idípsum.

Illuc enim adscendérunt tribus, tribus Dómini: * testimónium Israël ad confiténdum nómini Dómini.

Quia illic sedérunt sedes in ju-

dicio, * sedes super domum David.

Rogáte quæ ad pacem sunt Jerúsalem: * et abundántia diligéntibus te:

Fiat pax in virtúte tua: * et abundántia in túrribus tuis.

Propter fratres meos, et próximos meos, * loquébar pacem de te.

Propter domum Dómini Dei nostri, * quæsívi bona tibi.

Glória Patri.

Antiphona. Bénedic, Dómine, domum istam nómini tuo ædificátam.

11. Interim adspérgit interiús parietes in parte superiori et inferiori, inchoans adspersionem a parte Evangelii, dicens: Adspérges me, etc. tum ad Altare reversus, dicit:

Orémus.

Ministri: **Flectámus gēna. R. Leváte.**
Deus, qui loca nómini tuo dicánda sanctificas, ef-
 fúnde super hanc oratiónis domum grátiam
 tuam: ut ab ómnibus hic nomen tuum invocántibus
 auxiliúm tuæ misericórdiæ sentiátur. Per Dómi-
 num nostrum Jesum Christum Fílium tuum: Qui
 tecum vivit et regnat in unitáte Spíritus sancti
 etc. **R. Amen.**

12. His peractis, dicitur Missa de tempore occurrenti, vel de Sancto.

13. Ecclesia vero, quamvis a simplici Sacerdote, ut supra, sit benedicta, ab Episcopo tamen consecranda est.

CAPUT 28.

RITUS RECONCILIANDI ECCLESIAM VIOLATAM

SI NONDUM ERAT AB EPISCOPO CONSECRATA.



Ecclésiæ violatæ reconciliatio per Sacerdotem ab Episcopo delegatum fiat hoc modo. Altare Ecclesiæ omnino nudetur, provideaturque, ut Ecclesia possit libere circumiri tam exterius, quam interius, si fieri potest. Paretur vasculum cum aqua benedicta, et adspergillum de herba hyssopi factum. Sacerdos indutus amictu, alba, cingulo, stola, et pluviali albo, adhibitis aliquot Sacerdotibus et Clericis, procedit ad primariam Ecclesiæ portam, ubi stans, Antiphonam incipit, dicens, Clero prosequente:

Adspérges me, Dómine, hyssópo, et mundábor, lavábis me, et super nivem dealbábor.

Psalmus: Miserére, etc. (pag. 94), totus cum Glória Patri. Quo finito, Antiphona repetitur. Interim dum Antiphona, et Psalmus dicuntur, Sacerdos cum aqua benedicta adspergit in circuitu extrinsecus Ecclesiam, et Cœmeterium, simul adspergendo alternatim ad parietes Ecclesiæ, ac ad terram Cœmeterii, præsertim ad loca contaminata. Quo facto, redit ad locum, ubi incepit adspere, et stans dicit:

Orémus.

Omnípotens et miséricors Deus, qui Sacerdótibus tuis tantam præ céteris grátiam contulisti, ut quidquid in tuo nómine digne, perfectéque ab eis ágitur, a te fieri credátur: quæsumus imménsam cleméntiam tuam, ut quod modo visitatúri sumus, vísites, et quidquid benedictúri sumus, bene-✠ dicas; sitque ad nostræ humilitátis intróitum, Sanctórum tuórum méritis, fuga dæmonum, Angeli pacis ingressus. Per Christum Dóminum nostrum.
R. Amen.

2. Deinde Sacerdos incipit Litanias (pag. 97), et ingreditur Ecclesiam cum Clero, cantando eas: acceditque ante Altare majus, coram quo genuflectit: cumque dictum fuerit:

Ut ómnibus fidélibus defúntis réquiem ætérnam donáre dignéris. R. Te rogámus, audi nos.

Sacerdos surgit, et clara voce dicit:

Ut hanc Ecclésiam, et Altáre hoc, ac Cœmeterium purgáre, et reconci✠liáre dignéris.

R. Te rogámus, audi nos.

3. Quibus dictis, rursus genuflectit, et Litiariæ perficiuntur. Quibus finitis, Sacerdos versus ad dictum Altare dicit:

Orémus.

Et Ministri: **Flectámus gēna. R. Leváte.**

Prævéniat nos, quæsumus Dómine, misericórdia tua: et intercedéntibus ómnibus Sanctis tuis, voces nostras cleméntia tuæ propitiatiónis anticipet. Per Christum Dóminum nostrum.
R. Amen.

4. Deinde Sacerdos genuflectit ante Altare, et se signo crucis muniens, clara voce dicit: **Deus, in adjutórium meum inténde;** tum surgit, et Chorus, seu adstantes Clerici respondent: **Dómine ad adjuvándum me festína;** et Sacerdos stans, dicit: **Glória Patri, et Fílio, et Spíritui sancto.**

R. Sicut erat in principio, et nunc, et semper, et in sæcula sæculorum. Amen.

5. Quo dicto, Sacerdos inchoat, Clero prosequente.

Antiphona. Exsurgat Deus, et dissipentur inimici ejus: et fugiant, qui odérunt eum, a facie ejus.

Psalmus 67.

Ln ecclésiis benedicite Deo Dómino, * de fontibus Israël.

Repetitur Antiphona.

Ibi Bénjamin adolescéntulus, * in mentis excéssu.

Repetitur Antiphona.

Príncipes Juda, duces eorum: * principes Zábulon, príncipes Néptali.

Repetitur Antiphona.

Manda Deus virtúti tuæ: * confirma hoc Deus, quod operátus es in nobis.

Repetitur Antiphona.

A templo tuo in Jerúsalem, * tibi offerent reges múnera.

Repetitur Antiphona.

Increpa feras arúndinis, congregatio taurorum in vaccis populorum: * ut excludant eos, qui probati sunt argénto.

6. Et non dicitur Glória Patri, sed Antiphona repetitur. Interim dum Antiphona et Psalmi prædicti dicuntur, Sacerdos circuit Ecclesiam intrinsecus adspargendo: adspargit etiam specialiter loca contaminata. Quo facto, stans in Presbyterio versus ad Altare, dicit:

Deus, qui in omni loco dominationis tuæ clemens et benígnus purificátor assistis: exáudi nos, quæsumus, et concéde; ut in pósterum inviolábilis hujus loci permáneat benedictio, et tui muneris benefícia, univérsitas fidélium, quæ súpplicat, percípere mereátur. Per Christum Dóminum nostrum.

R. Amen.

Repetitur Antiphona.

Dissipa gentes, quæ bella volunt: vénient legáti ex Ægypto: * Æthiopia præveniet manus ejus Deo.

Repetitur Antiphona.

Regna terræ, cantáte Deo: * psállite Dómino.

Repetitur Antiphona.

Psállite Deo, qui adscéndit super cælum cœli, * ad Oriéntem.

Repetitur Antiphona.

Ecce dabit voci suæ vocem virtutis, date glóriam Deo super Israël: * magnificéntia ejus, et virtus ejus in núbibus.

Repetitur Antiphona.

Mirábilis Deus in sanctis suis, Deus Israël ipse dabit virtútem, et fortitúdinem plebi suæ, * benedíctus Deus.

7. Deinde dicitur Missa de die occurrenti.

8. Simplex Sacerdos tantum ex privilegio Sedis apostolicæ potest Ecclesiam ab Episcopo consecratam reconciliare, et tunc utatur ritu in Pontificali præscripto; procedatque indutus amictu, alba, cingulo, stola, et pluviali albi coloris, adhibitis secum aliis Presbyteris et Clericis superpelliceis indutis, cum aqua ab Episcopo ad hunc usum rite benedicta.

CAPUT 29.

RITUS BENEDICENDI NOVUM CŒMETERIUM

PER SACERDOTEM AB EPISCOPO DELEGATUM.



ridie quam fiat benedictio, ponitur in medio Cœmeterii benedicendi lignea crux, alta ad staturam hominis et ante ipsam crucem in terra figitur paxillus tridens ligneus, altus ad cubitum unum, aptus ad affigendum illi tres candelas.

2. Sequenti die mane Sacerdos in sacristia paratus amictu, alba, cingulo, stola, ac pluviali albi coloris, adhibitis aliquot Sacerdotibus et Clericis indutis superpelliceis, qui deferant vasculum aquæ benedictæ, adspergillum, et thuribulum cum incensi navicula, et hoc Rituali libro, et tribus candelis cereis, procedit ad Cœmeterium benedicendum, ante crucem in medio positam, et affiguntur, et accenduntur tres candelæ super ligneum paxillum: et Sacerdos ante crucem et candelas stans, discooperto capite, dicit:

Orémus.

Omnípotens Deus, qui es custos animárum, et tutela salutis, fides credéntium: réspice propítius ad nostræ servitútis officium, et ad intróitum nostrum purgétur, bene ✠ dicátur, et sancti ✠ ficétur hoc Cœmetérium; ut humana cörpera hic post vitæ cursum quiescéntia, in magno judícii die simul cum felicibus animábus mereántur adipísci vitæ perénnis gaúdia. Per Christum Dóminum nostrum. **R.** Amen.

3. Mox ante ipsam crucem omnes genibus flexis dicunt Litanias ordinarias (pag. 97, incipiente cantore, ceteris respondentibus):

et cum dictum fuerit: **Ut** ómnibus fidélibus defúntis, etc. **Te rogámus, audi nos.**

4. Sacerdos surgit, et clara voce dicit, producens manu signum crucis:

Ut hoc Cœmetérium purgáre, et benedícere dignéris. **R.** **Te rogámus, audi nos.**

Deinde Sacerdos, ut prius, genuflectit, et Litaníæ perficiuntur.

5. Quibus finitis, surgunt omnes, et Sacerdos crucem adspergit aqua benedicta, dicens Antiphonam:

Adspérges me, Dómine, hyssópo, et mundábor: lavábis me, et super nivem dealbábor.

Psalmus: Miserére, etc. (pag. 94), dicitur totus ab adstantibus, cum Glória Patri. Quo dicto, repetitur Antiphona. Dum dicitur Psalmus, Sacerdos circuit, et perambulat totum Cœmeterium, incipiens ad ejus dexteram, adspergens ubique aqua benedicta: quo factó, redit ante crucem, et ad ipsam respiciens, dicit:

Orémus.

Deus, qui es totíus orbis cónditor, et humáni géneris redemptor, cunctarúmque creaturarúm visibílium et invisibílium perféctus dispósitor: te súpplici voce, ac puro corde expóscimus; ut hoc Cœmetérium, in quo famulórum, famularúmque tuárum córpora quiescere debent, post currícula hujus vitæ labéntia, pur ✠ gáre, bene ✠ dícere, et sancti ✠ ficáre dignéris: quique remissionem ómnium peccatórum per tuam magnam misericórdiam in te confidéntibus præstitísti, corpóribus quoque eórum in hoc Cœmetério quiescéntibus, et tubam primi Archángeli exspectántibus, consolationem perpétuam largíte impertíte. Per Christum Dóminum nostrum. **R.** Amen.

6. Tunc figit in summitate crucis unam ex tribus candelis ardentibus, et alias duas similiter ardentés in duobus brachiis ejusdem crucis. Deinde incensat ipsam crucem, et adspergens aqua benedicta, redit cum ministris in sacristiam.

CAPUT 30.

ORDO RECONCILIANDI CÆMETERIUM VIOLATUM

SIVE ECCLESIAE CONTIGUUM SIT SIVE SEPARATUM
UBI ECCLESIA NON EST POLLUTA.



ane diei, qua facienda est reconciliatio, Sacerdos, si ab Episcopo facultatem habeat, adhibitis aliis Sacerdotibus et Clericis indutis superpélliceis, in sacristia, aut alio decenti loco, vestitus amictu, alba, cingulo, stola, et pluviali albi coloris, accedit ad medium Cœmeterii, Clerico vasculum aquæ benedictæ, et adspergillum deferente: et ibi super tapete genuflectit una cum ministris; et cantores, alique omnes genibus flexis, dicunt Litanias (pag. 97). In quibus cum dictum fuerit: **Ut** ómnibus fidélibus defúntis, etc. **Te rogámus, audi nos.**

2. Sacerdos surgit, et manu dextera producens signum crucis super Cœmeterium, clara voce dicit:

Ut hoc Cœmetérium recon ✠ ciliáre, et sancti ✠ ficáre dignéris. **R.** **Te rogámus, audi nos.**

3. Quibus dictis, ut prius, genuflectit, cantoribus Litanias perficientibus. Quibus finitis, surgunt omnes, et Sacerdos, accepto adspergillo cum aqua benedicta, inchoat Antiphonam:

Adspérges me, Dómine, hyssópo, Clero prosequente, et mundábor: lavábis me, et super nivem dealbábor.

Psalmus: Miserére, etc. (pag. 94), dicitur totus sine Glória Patri.

In fine repetitur Antiphona: **Adspérges me, etc.**

4. Dum hæc dicuntur, Sacerdos circuit totum Cœmeterium, incipiens ad ejus dexteram, adspergens ubique aqua benedicta, præsertim in loco, ubi violatio commissa est. Quo peracto, redit ad locum ubi Litaníæ dictæ fuerunt, et ibi stans dicit:

Orémus.

Et Ministri: **Flectámus génuá. R.** **Leváte.**

Dómine pie, qui agrum figuli pretio sánguinis tui in sepultúram peregrinórum comparári voluísti:

quæsumus, dignanter reminiscere clementissimi hujus mysterii tui. Tu es enim, Dómine, figulus noster: tu quiétis nostræ ager: tu agri hujus præ-tium. Tu dedisti étiam, et suscepisti. Tu de præ-tio tui vivífici sánguinis nos requiescere donasti. Tu ergo, Dómine, qui es offénsionis nostræ cle-mentissimus indúltor, exspectantissimus judicátor, judícii tui superabundantissimus miserátor: judí-cium tuæ justissimæ severitátis abscondens, post miseratiónem tuæ piæ redemptiόνis, adésto exau-dítor, et efféctor nostræ reconciliatiónis: hocque Cœmetérium peregrinórum tuórum, cœléstis pá-triæ incolátum exspectántium, benignus purífica, et reconcilia; et hic tumulatórum et tumulandó-rum córpora, de poténtia et pietáte tuæ resurre-ctiόνis ad glóriam incorruptiόνis, non damnans, sed gloríficans resúscita. Qui ventúrus es judicáre vivos, et mórtuos, et sáeculum per ignem.

R. Amen.

~~~~~  
CAPUT 31.

RITUS ABSOLVENDI ET BENEDICENDI

**POPULOS ET AGROS**

EX APOSTOLICÆ SEDIS INDULTO.



cepto diplomate pontificio, constituatur dies Dominica. Delegato et populo commodior, pro ejusdem diplomatis publicatione, et executionis inchoatione.

2. Die constituta, mane fiat concio, qua doceatur populus de contentis in diplomate pontificio, et de præparatione ad futuram Absolutionem, et Benedictionem. Deinde Missa celebretur a De-legato pro remissione peccatorum, sine Glória in excelsis, cum unica Oratione, et Credo, in paramentis violaceis: qua finita, depo-sita casula et manipulo, induatur Celebrans pluviali violaceo, et si

sit Episcopus, mitram simplicem assumat; et omnibus genuflexis ante Altare, cantentur Litanie Sanctorum (pag. 97), omissis Pre-cibus et Orationibus post eas dici solitis.

3. Sedeat Delegatus, finitis Litaniis, cooperto capite, in sede sibi parata super scabello Altaris, vel in sede episcopali, si est Episcopus, seu super faldistorio posito super dicto scabello, cum duobus Ministris paratis more diaconali et subdiaconali sine mani-pulis, adstantibus hinc inde a lateribus omnibus de Clero; et alta voce ab aliquo legatur diploma, audiente populo: quo lecto, dicat Delegatus: Deo grátias.

4. Tunc nomine populi ille, qui ibi pro Diacono assistit, pro-funde inclinatus a sinistris Delegati facit confessionem in cantu.



Con-fi-te-or De-o om-ni-po-tén-ti, be-á-tæ Ma-rí-æ semper



Vír-gi-ni, be-á-to Mi-cha-é-li Archán-ge-lo, be-á-to Jo-án-ni



Ba-ptí-stæ, sanctis A-pó-sto-lis Pe-tro et Pau-lo, ó-mnibus



Sanctis, et ti-bi Pa-ter, qui-a pec-cá-vi nimis co-gi-ta-ti-



ó-ne, ver-bo et ó-pe-re: me-a cul-pa, me-a cul-pa, me-a



má-xi-ma cul-pa. Id-e-o precor be-á-tam Ma-rí-am semper



Vír-gi-nem, be-á-tum Mi-cha-é-lem Archán-ge-lum, be-á-tum